

tunc erant, theologorum impulsu et pseudopoliticorum in aula curiaque versantium, factum esse, ut apud principes eiusdem aetatis, praesertim autem apud AVGVSTVM Saxoniae electorem, cui isti Musaeum nostrum, tanquam virum tumultuosum seu impetuosum, calumniosum atque rixosum, depinxerant, atque sic iram optimi principis in eum concitauerant, male audiret, et iussu huius principis, ne vel ipsi iram incurrerent et vindictam experirentur AVGVSTI, comites eum ruthenici, vna cum Autumno et aliis, e terris ipsorum exire aegre passi fuerint.

Plus, simplici vice, hanc prodiisse confessionem, et ipsi, et aliunde cognouimus. Prostat enim eadem, paullulum immutato titulo, hac libri inscriptione: *Confessionschrift, nach welcher bisshero in den Reussischen Kirchen, vermoege H. Schrift A. C. vnd Lutheri Schriften geleret worden, itzorepetiret, neben einer neuen praefation vnd Bericht, in welchem aller verdacht von dieser Confessionschrift abgelehnet ist, auch wird angezeigt, in was hohem Werth die Reussischen Kirchen das Christl. Concordibuch halten.* Ihenae 1599. in 4t. Alteram hanc, seu secundam numero, editionem, longo interposito interuallo, tertia tandem excepit, ea nimirum, quae Geraviae, anno MDCCXCI. recusa, postremum prodiit. Euoluantur ac de his videantur b. LOESCHERI *Hist. Mot. P. III. p. 3. Vnschuld. Nachrichten l. c.* FEVERLINI *Bibliotheca Symbol. Euangel. Lutherana, p. 272.* WALCHII *Bibliotheca theologica selecta T. I. p. 404.*

Quod reliquum, denuo monendum adhuc, minus obuiam, et, vel hanc ob causam, in pretio habendam, esse hanc quidem confessionem, certe priorem, quam possidemus, editionem: id quod testatur *Bibliothecae Danielis Saltzenii Catalogus, p. 238. numero 1165 et 1166.* his additis ibidem verbis: *Diese nunmehr selten gewordene Schrift, kam zuerst 1567. in 4t. heraus.* Conferantur insuper MILLII *Bibliotheca Anonym. p. 1085.* et BVINEMANNI *Catal. p. 90.* quorum copiam nusquamnon habere posse vnumquemque facile crediderim. Atque haec sunt, quibus quidem confessionis huius rutheno-schoenburgicae historiam nostris his obseruationibus illustrare et publico vsui, subitanea hac quidem commentatione, accommodare potuimus.

Verum